

## Sosiaal- da tiörvâsvuõttministeria asetõs

**puäz3hoi'ddjee'ji sâjjsažvie'kk jäänmõsmeä'rest ee'jj 2021 uvddum sosiaal- da tiörvâsvuõttministeria asetõõzz mu'ttmest**

Sosiaal- da tiörvâsvuõttministeria tu'mmstõõgg meâldlânji mu'ttet puäz3hoi'ddjee'ji sâjjsažvie'kk jäänmõsmeä'rest ee'jj 2021 uvddum sosiaal- da tiörvâsvuõttministeria asetõõzz (1169/2020) 1 § nää'it:

1 §

### *Sâjjsažvie'kk jäänmõsmie'rr*

Puäz3hoi'ddjee'ji sâjjsažvie'kkest uvddum lää'jj (1238/2014) 1 § 1 momee'ntest jurddum sâjjsažvie'kk jäänmõsmie'rr ee'jj 2021 lij 200 čiässâd õõut puäz3hoi'ddjeei ool.

Tät asetõs puätt viõ'kke pâr'gõmannu 26. peei'v 2021 da lij viõggâst rosttovmannu 31. peei'v 2021 räija.

Ko suâvldet tän asetõõzz, sâjjsažvie'kk 200 čiäss jäänmõsmeärra la'skķeet še puäz3hoi'ddjeei ee'jj 2021 ääi'j ouddâl tän asetõõzz viõ'kkepue'ttem ââ'nem sâjjsažveä'kkčičiässid, kooi diõtt šõddâm kool he ko'rvvuum.

Lââ'ssen sâjjsažvie'kk 200 čiäss jäänmõsmeärra vuei'tet la'skķeed sâjjsažveä'kkvuõiggâdvuõd ooccâm puäz3hoi'ddjeei ee'jj 2021 ääi'j ouddâl tän asetõõzz viõ'kkepue'ttem ââ'nem sâjjsažveä'kkčičiässid, kooi diõtt šõddâm kool jie leäkku veâl ko'rvvuum. Tâi sâjjsažveä'kkčičiässi diõtt šõddâm koolai ko'rvvõõzz vuei'tet ooccâd puäz3hoi'ddjee'ji sâjjsažvie'kkest uvddum lää'jj 10 §:âst jurddum ooccâmääi'j puuttmõõžž mænna, jõs ooccâmääi'j ij leäkku tuõttää'sšest vuei'tlvaž jâä'kkted. Ko'rvvõsooccmõõžž âlgg tuejjeed kuuitâg määimõsân kâlgmannu 31. peei'v 2021.

He'lsnest 26.8.2021

Piâr- da vuâddkääzzkõsminister Krista Kiuru

Haltõspiisar Anne Vänskä